

適園叢書

張宗祥



通國叢書

楊文輝



唐大詔令集卷第三十四

宋 宋敏求編

諸王

冊文

冊梁州都督漢王元昌文

冊徐州都督徐王元禮文

冊荊州都督荆王元景文

冊潞州都督韓王元嘉文

冊遂州都督彭王元則文

冊雍州牧左武侯大將軍越王泰改封魏王文

冊沼州刺史郯王暉改封蔣王文

冊岐州刺史許王元祥改封江王文

冊揚州都督沛王賢文

冊殷王旭輪文

冊冀王輪文

冊汴王邕文

冊魯王永文

冊魏王侑文

冊涼王佹文

冊蜀王佖文

冊景王祕文

冊輝王祚文

冊祁王祺文

冊雅王禎文

冊瓊王祥文

冊文

冊梁州都督漢王元昌文

岑文本

維貞觀十二年四月己卯皇帝使某副使持節冊命曰於戲
夫易陳利建道貫三才傳稱夾輔業隆百世是以周之魯衛
式固維城漢之梁趙克隆磐石惟爾使持節都督梁洋集壁
四州諸軍事梁州刺史漢王元昌幼聞教義器識聰敏早開
土宇禮數優崇邊□南郊襟帶西蜀按部之重茂親是寄□
民之譽朞月有聞是用錫以茅賦備茲典冊爰誓山河永作

藩屏朕聞之曰事君盡禮資於孝敬爲政以德始於仁厚故
士無貴賤由之者揚名時無古今背之者殄行欽哉爾其執
心於忠孝踐行於儉約無好逸豫以犯非禮無縱嗜慾以邇
宵人明率舊章永保疆土可不慎歟

冊徐州都督徐王元禮文

於戲惟王建邦惟聖垂範安兆民者實敦親戚固鴻業者必
樹藩衛惟爾使持節都督徐譙泗三州諸軍事徐州刺史徐
王元禮器能明敏業履祥和幼聞詩禮早膺車服海岱及淮
俗兼齊魯胙土按部僉曰爾諧是用斟酌前代率由令典俾
屏迺辟傳爾後昆朕聞曰友于兄弟施於有政弗學面牆莅
事無煩緬求大訓茲爲要道往欽哉爾其執心於忠孝踐行

於儉約無好逸豫以犯非禮無縱嗜欲以邇宵人明率舊章
永保爾疆土可不愼歟

冊荊州都督荆王元景文

夫建官之道實資明德列爵之義必俟茂親故晉鄭佐周功
宣於寅亮閒平輔漢業崇於藩屏惟爾業尙忠肅器懷恭懿
幼稟庭訓早膺朝寵仁恕聞於封畿廉平著於方岳判衡作
鎮江漢爲紀包括巴漢之域跨躡吳越之郊褰帷爾諧分珪
僉屬是用備茲令典錫以休命奄有楚甸代爲唐輔可不愼
歟

冊潞州都督韓王元嘉文

岑文本

維貞觀十二年於戲肇自黃唐泊乎漢晉莫不敦睦親戚任

用賢能咸胙疆土世爲藩翰惟爾使持節潞沁韓澤四州諸
軍事潞州刺史韓王元嘉識量沈厚德業尙修夙稟趨庭之
訓早膺析珪之寵上黨奧壤地連秦晉開國之典攸歸按部
之譽允穆是用率由故實光備典章式固維城傳之永世朕
聞曰詩書禮樂義之府也孝友忠信人倫之基也是以河閒
之賢在於修學東平之譽成於爲善往欽哉爾其覽載籍之
旨求賢之訓戒茲邪僻以仁厚爲心勸彼怠荒以慎重爲德
明乃服命勿替敬典可不愼哉

冊遂州都督彭王元則文

岑文本

於戲蓋五等肇於帝軒殷周不改其制諸子封於有漢魏晉
必循其道是知遠賢建戚莫先於藩衛經邦致治允資於刺

舉惟爾使持節遂普果合四州諸軍事遂州刺史彭王元則
幼稱岐嶷夙稟義方褰帷汝潁之地聲績可紀建旗巴蜀之
境民俗以康是用率由令典錫茲寵命傳爾子孫長爲唐輔
朕聞臣子者踐行繼於忠孝處富貴者貽式在於驕奢故能
播美當是垂芳後裔往欽哉爾其鑒於經籍詢於耆龜見善
如不及見惡如探湯無違禮以害身無縱欲以敗俗夙夜匪
懈罔有後羞可不慎歟

冊雍州牧左武侯大將軍越王泰改封魏王文

維貞觀某年月某日甲子皇帝若曰於戲在昔哲后受命君
臨並建茂親以爲藩衛然則古之列國今之按部循名或異
立政則同皆所以共治黎元俱獎王室克隆鼎祚咸悉由之

惟爾雍州牧左武侯大將軍越王泰生而韶敏幼而好學樂
善不倦才藝日新位則維城禮優分器惟彼三魏實號五都
非親勿居夾輔攸屬是用命爾爲使持節都督相衛黎魏洺
邢貝七州諸軍事相州刺史改封魏王傳之子孫長爲藩翰
古人有言皇天無親惟德是輔民心無常惟惠之懷往欽哉
爾其鑒茲格言無自驕奢無邇邪佞兢兢業業以保爾茅土
可不慎歟

冊洺州刺史鄴王暉改封蔣王

岑文本

於戲朕光膺寶圖欽若前典崇穆親之義固維城之業並錫
之以土地授之以刺舉爰誓山河永作藩翰惟爾洺州刺史
鄴王暉幼稱岐嶷早聞詩禮式開土宇允備車服惟彼漢湘

地兼舊楚作鎮之重僉議攸歸是用命爾爲使持節襄州諸
軍事襄州刺史改封蔣王傳之子孫長爲唐輔朕聞立身之
基曰忠與孝爲政之本曰禮與德行之則成名違之則喪道
詳求大訓莫此爲先往欽哉爾其祇朕詔敦悅禮經無奢侈
以乖節儉無逸豫以虧謹肅聿修厥德垂救永世可不慎歟

冊岐州刺史許王元祥改封江王文 岑文本

於戲蓋王者受命聖人作則垂法度以經邦選賢戚以布政
作屏王室莫先於胙土其治天下實寄於班條惟爾岐州刺
史許王元祥幼稟義方早有志尙地惟邢晉禮優河裴姑蘇
奧壤舊吳是宅旣建作牧必俟懿親是用命爾使持節蘇州
諸軍事蘇州刺史改封江王傳之子孫世爲唐輔朕聞孝敬

忠貞人之美行也禮讓仁恕政之善經也是以奉上者蓋於邪僻御下者勛於驕傲然後能保其疆土育其民人往欽哉爾其鑒持身之規求爲邦之道遵五美而屏四惡近君子而遠小人祇畏兢兢無替朕訓可不慎歟

冊揚州都督沛王賢文

維龍朔元年歲次辛酉十月癸亥朔十七日己卯皇帝若曰於戲夫翦商統歷建侯以崇藩衛纂堯開運分土以光震聞故迺族茂麟趾經國之令圖地利犬牙裁化之明準惟爾雍州牧幽州都督上柱國潞王賢擢穎玄樞抽榮紫極姿儀映徹占對淹凝機悟韶敏風徽簡令雕鎔信義振英挺於鵬年苑囿文詞標秀發於髫日藝優楚沛道駕天人繇蟻層臺舞

鶴懸鏡湛清襟於篁沼鼓芳譽於蘋風是用命爾爲沛王使
持節都督揚和滁潤常宣歙等七州諸軍事揚州刺史兼左
武侯大將軍牧及勳官並如故而徐方奧壤泗水名區榮耀
虞珪賞延漢礪加以作牧淮海式道京畿申大雅而釐風資
樂善而揚德必宜靖恭迺位克懋聲猷光被寵章可不慎歟

冊殷王旭輪文

上官儀

維龍朔二年歲次壬辰十一月景戌朔六日辛卯皇帝若曰
於戲夫握鏡黃道經邦盛於建侯司契紫宸體國昭於宗翰
故迺作延邳鼎之業歷峻豐社之基惟爾第四子旭輪流景
星躔導源天漢亞重離而接耀承少海而分瀾秀實璇華芳
聲金潤天人之望夙彰髫綺大雅之規遽形襁絡幼智該於

周詩全集卷三十四
六
玄表潛識冠於黃中舟象垂風方慚性與封蟻宣譽終謝生
知是用命爾爲殷王上柱國往欽哉將用齊衡兩獻比迹二
南彫藻珪璋粉澤仁義竹池逾浚棣屏增華受茲茅土可不
祗愼

冊冀王輪文

維總章二年歲次己巳十二月景午朔二十二日丁卯皇帝
使銀青光祿大夫守司戎太常伯上騎都尉崔餘慶副使中
御大監上柱國靈丘縣開國侯万俟肅持節冊命曰於戲夫
天垂景宿上躔帝子之宮地載兼山下列乾男之域是以聖人
□□□□□□□□□□□□□□□□莫不啟磐石於
周親樹良翰於宗懿故黃神命社降若水以疏封蒼精建侯

奄中都而錫壤用能克久寶祚式固鴻基茂緒藹乎龍圖盛
業光於麟趾惟爾冀州大都督軍于大都護右金吾衛大將
軍上柱國豫王輪層漢毓靈上枝摘景瑤光甫薦允標墜燕
之祥玉輅初聞遽叶占熊之兆中和在巳仁義爲資治藝通
玄驗賁駒之入口潛幾應物見巨象之浮舟識茂暑辰神清
綺歲趨庭承訓孝敬極於觀喬金殿傳經敏學踰於括羽擅
三雍之雅對韞七步之閑才足以道架河書聲芬鄴頌暨龍
荒北鎮鵠水東臨侮食之渠稟稜威而革暴鳴弦之俗感惠
化以遷訛製杼垂風舍棠流詠若乃兩河之地實曰奧區就
日分封郊唐虞之舊國均霜闢野總禹夏之餘萌我圖爾居
形勝斯在是用命爾爲冀王餘官勳並如故往欽哉爾其勞

謙勉志樂善居心口丹黻之徽章崇綠車之寵秩受茲中壤
用保大藩允迪前修無或僭度維城之寄可不慎歟

冊汴王邕文

蘇頌

維景龍四年歲次庚戌五月辛亥朔二十八日戊寅應天神
龍皇帝若云易不云乎義崇於利建書不云乎道尙於敦睦
故知樹藩屏者以奉先王之言強宗室者乃歸諸父之胤咨
爾金紫光祿大夫行祕書監檢校殿中監知隴右三使仗內
諸閒廐上柱國嗣號王邕爾門膺魯邦地冠虞封本以忠孝
仁義之規成乎宣慈惠和之業恩窮沾雨沛經不測其精詞
高賦月陳詩莫踰其麗匪惟政修中夏稱於號叔固以姻連
外戚寵則吾姨遂能在位不驕鳴謙自牧造次何者寧忘服

儒從容謂之最樂爲善加以望隆才位聲軼典司動則有常
靜而無撓載刊三豕廚委於殺青爰捧六龍廐慎於伏皁故
可以榮絕乎四履位微乎九就夫陳留者從梁之邑在浚之
郊并邑遂割於鴻溝舳艫遠通於巨壑雖帝堯遺俗國中承
重厚之風而王武舊邦天下擅膏腴之地親旣賢矣我圖爾
居是用命爾爲汴王於戲爾其敏厥行祇厥典思不怠畏不法
取則前鑒罔貽後羞作我唐藩以惠于汴王慎之哉其保朕
之休命

冊魯王永文

維大和四年歲次庚戌二月景午朔十二日丁巳皇帝若曰
咨爾元子其敬聽朕命我國家累葉重光紹休昌運奄有區